

ভারতে সর্বাধিক প্রচারিত প্রথম শ্রেণির বাংলা দৈনিক

# আনন্দবাজার পত্রিক

## হস্তক্ষেপের অধিকার থাকলে এগোব: ধনখড়

নিজস্ব সংবাদদাতা

যেখানে তাঁর হস্তক্ষেপ করার অধিকার রয়েছে, সেখানে তা করতে তিনি মোটেই পিছপা হবেন না বলে বৃহস্পতিবার ফের স্পষ্ট ভাষায় জানালেন রাজ্যপাল জগদীপ ধনখড়া। তবে তাঁর দাবি, যেখানে সে অধিকার নেই, সেখানে বড়জোর পরামর্শ উপদেশ দেবেন, তার বেশি কিছু নয়।

সম্প্রতি যাদবপুর বিশ্ববিদ্যালয় কাণ্ড ঘিরে রাজ্যপাল ও রাজ্য সরকারের সংঘাত তীব্র হয়েছে। এই পরিস্থিতিতে বৃহস্পতিবার ক্যালকাটা চেম্বার অব কমার্সের ১৮৮তম বার্ষিক সাধারণ সভায় এসে ধনখড় বলেন, “এ রাজ্যের উন্নতির লক্ষ্যে কাজ করা ছাড়া আর কোনও কর্মসূচি আমার নেই। তাই সেটা করতে গিয়ে

যদি বাধা আসে, তবে তা দূর করার জন্য প্রয়োজনীয় ব্যবস্থা নেব।” তিনি বলেন, সংবিধান মেনে এই কাজ করার জন্যই শপথ নিয়েছেন তিনি। তার পরেই যাদবপুর কাণ্ডের উল্লেখ না করেও বলেন, “ছাত্রদের কল্যাণকে অগ্রাধিকার দিতে হবে। উপাচার্যকে বলেছি, বিশ্ববিদ্যালয়ে কোনও সমস্যা থাকলে তার সমাধানে পরিশ্রম তৈরি করুন। সব রকম সহযোগিতা করুন।”

এ দিন মুখ্যমন্ত্রী মমতা বন্দোপাধ্যায়ের ভূমসী প্রশংসাও করে ধনখড় বলেন, “মুখ্যমন্ত্রী উন্নয়নের পক্ষে। শিলিগুড়িতে গিয়ে দেখেছি পথঘাটের উন্নতি হয়েছে। রাজ্যরহাটে বিশ্ব মানের কনভেনশন সেন্টার হয়েছে। যা দিল্লির বিজ্ঞান ভবনের সঙ্গে তুলনীয়। এর জন্য মুখ্যমন্ত্রীকে কোনো সাধুবাদ জানিয়েছি।”